

Van Esaken.

setteden/vnde eren mannen gehorsam weren/Ged
lick alse Sara Abraham gehorsam was/vnde hete
en Here/Welckerer dochter gy geworden syn/so gy
wol don vnde iuw nicht fruchten vor yemigem
gruwel.

Van Esaken.



VAn der **E**e schollen de Par
ners de lude vlytigen vnderichten/dat
se Godt yngesettet hebbe / Darumme
scholie wy Godt vmme hulpe bidden
vnde hapen in allen noden vnde an
stoten in der **E**e/Wente de wile dat Godt de **E**e yng
gesettet vnde gesegent hefft/Genesis am andern/so
hebben sich de **E**eliken lude aller gnade vnde hulpe
tho Gade in all eren noden tho vorsende vnde tho
vortrostende. So spricht Salomo in den sproken
am achteinden capittel/Wol eine vrouwen vindt de
vindt wat gudes/vnde scheppet ein wolgeual van
Gade. Vnde dat ock tucht in der **E**e gehalten
werden/vnde ein yegen dem andern gedult vnde leo
ue dregen vnde ouen schal / tho den **E**phesern am
vofften capittel. Dat se ock nicht van einander mo
gen gescheden werden/vnde ein den andern vorlad
ten/Alse Matthei am negenteinden Christus sul
uest spricht.

Vnde de wile wy vinden/dat me der Christli
ken fryheit in velen stucken/lichtferdigen vn motho
willigen mysbreuket/vnde ane alle nodt / ergernisse
vnde vnlust anrichtet/So schollen de Parners in
den **E**esaken

den **E**esaken